

DINARAWAN INDIGENOUS PEOPLES ORGANIZATION (DIPO)
Sitio Dinarawan, San Pablo, Jabonga, Agusan del Norte

PETISYON ARON PAGBABAG UG PAGPAUNDANG SA GIPAHIGAYON NGA MINERAL EXPLORATION SA MINDORO RESOURCES, LIMITED (MRL) SULOD SA YUTANG KABILIN SA MGA MAMANWA SA DINARAWAN, SAN PABLO, JABONGA, AGUSAN DEL NORTE

TUNGOD KAY, sa gipahigayon nga konsultasyon sa MRL sa mga komunidad sa Mamanwa bahin sa pagpasulod sa proyekto nga pagmina kaniadtong Hulyo 2008, amo nang gipadayag ang among pagbalibad sa maong proyekto.

TUNGOD KAY, pinaagi sa resolusyon kaniadtong ika-13 sa Hulyo 2008, hugot nga nagkauyon ang komunidad sa Dinarawan nga dili magpasulod sa proyekto nga pagmina partikular sa nahisakop sa among giangkong nga Yutang Kabilin.

TUNGOD KAY, kaming mga Mamanwa sa Dinarawan aduna nay CADT application nga giduso sa NCIP Santiago Service Center ug NCIP Agusan del Norte Provincial Office kaniadtong Oktubre 2008.

TUNGOD KAY, kaniadtong ika-25 sa Pebrero 2011, amog nasayran sa asembliya nga gipatawag sa MRL pinaagi sa Kapitan sa Brgy. San Pablo, nga adunay mga empleyado sa MRL kauban ang pipila ka tawo sa San Pablo ug San Jose nga misaka sa Sagradong Bukid sa Anahawan aron magpahigayon ug *mineral exploration* apan wala kini niagi sa gawasnon ug nahahunang pagtugot pinasubay sa hingpit nga kasayran (*free and prior informed consent* o FPIC).

TUNGOD KAY, ang maong kalihukan supak sa Seksiyon 10, 16, ug 59 sa Indigenous Peoples' Rights Act kon IPRA diin nahisaysay nga kaming mga Mamanwa isip tribo nga nanag-iya sa Yutang Kabilin, adunay katungod nga pahibal-on sa bisan unsa nga proyekto ug kalihukan nga buot ipahigayon sulod sa Yutang Kabilin; ingon man pag-apil sa paghimo ug desisyon bahin sa maong proyekto ug kalihukan.

TUNGOD KAY, ang Bukid sa Anahawan nga maoy luna diin gipahigayon ang *mineral exploration*, usa ka sagrado ug bililhon nga dapit tungod kay mao kini ang tinubdan sa tubig nga among ginainom ug ingon man sa among panginabuhian.

BUSA, gikauyonan sa tanang miyembro sa Dinarawan Indigenous Peoples' Organization kon DIPO atol sa among espesyal nga miting kaniadtong ika-27 sa Pebrero 2011 nga gipahigayon dinhi sa Sitio Dinarawan, San Pablo, Jabonga, Agusan del Norte ang **hugot nga pagbabag sa gipahigayon nga *mineral exploration* sa among Yutang Kabilin ug kini ipahunong gayud sa hinanali nga panahon.**

Gikauyonan usab nga kining among petisyon ipadangat ngadto sa ahensya sa National Commission on Indigenous Peoples kon NCIP sa ilang buhatan sa Santiago Service Center, Agusan del Norte Provincial Office, Region 13 Office, ug National Office; ipadangat usab kini nga petisyon sa Lokal nga Panggamhanan sa Brgy. San Pablo, sa Munisipyo sa Jabonga ug sa Probinsya sa Agusan del Norte; ingon man sa Mines and Geosciences Bureau (MGB) Region 13 Office sa Surigao City, sa Department of Environmental and Natural Resources kun DENR Regional Office sa Butuan City ug sa MRL Office.

Isip pagpamatuod niini, kaming mga katawhan nga Mamanwa dinhi sa Sitio Dinarawan mopirma diri sa sunod nga mga panid karong petsa 27 sa Pebrero 2011 dinhi sa Sitio Dinarawan, San Pablo, Jabonga, Agusan del Norte: